

職方典第七十卷

保定府部彙考四

保定府封建考

府縣志合載

上古

帝顓頊高陽氏姬姓黃帝之孫昌意之子也昌意雖黃帝之嫡以德劣降居若水爲諸侯及顓頊生十年佐少昊又二年而冠又十年而登帝位初爲諸侯建國高陽故稱高陽氏 帝堯陶唐氏始封於唐五帝紀註曰今中山唐邑 夏后氏禹封帝堯之子丹朱於唐

周

召康公奭姓姬氏武王滅紂封召公於北燕自召公以下九世至惠侯傳至桓侯凡八侯自莊公傳至文公凡二十公自易王傳至喜王凡七王共四十三傳歷八百二十餘年

秦

韓廣故秦上谷卒吏也將兵北徇燕燕地貴人豪傑謂韓廣曰楚趙皆已立王燕雖小亦萬乘

之國也願將軍立爲王廣聽之自立爲燕王

臧荼故趙將也從項籍入關籍立爲燕王都

薊荼擊滅韓廣而并其地漢高祖既誅籍荼反使盧綰劉賈擊荼取燕立綰爲燕王

漢

盧綰豐人也與高祖同里初起沛綰以客從入漢中爲將軍常侍中從東擊項籍以太尉常從
出入臥內及虜臧荼立綰爲燕王後謀反逃入北邊死 曲逆侯陳平陽武戶牖鄉人也事

漢王有功封爲戶牖侯

北平侯張蒼陽武人也從沛公西入武關至咸陽沛公立爲漢王

還定三秦陳餘擊走常山王張耳耳歸漢漢以蒼爲常山守從韓信擊趙蒼得陳餘趙地悉平
漢王以蒼爲代相備邊寇已而燕王臧荼反蒼以代相從攻有功封爲北平侯 華成君樂

叔高帝過趙問樂毅後因封

燕敬王澤高祖從祖昆弟也封管寧侯以金結齊人田生說

謁者張卿言于呂后封瑯邪王文帝元年徙封燕

燕靈王建高帝十二年封十五年薨有

美人子太后殺之絕後

中山靖王勝孝景前三年立

劉修靖王子武帝孫元狩間封

爲樊興侯

封中山靖王劉蓋爲聊城侯

封中山靖王子逸其名爲廣望侯

燕刺

王旦衛太子敗齊懷王又薨旦自以次第當立上書求入宿衛上怒下其使獄武帝由是惡旦後遂立少子爲太子帝崩太子立是爲孝昭帝旦有逆謀天子使使者賜璽書旦得書卽以綬自殺國除 博陸侯霍光字子孟河東平陽人光爲奉車都尉光祿大夫衛太子爲江充所敗而燕王旦廣陵王胥皆多過失是時上年老寵姬鉤弋趙婕妤有男上心欲以爲嗣命大臣輔之察羣臣惟光可任重大屬社稷乃以光爲司馬大將軍及金日磾上官桀等受遺詔輔少主帝崩太子襲尊號是爲孝昭皇帝遺詔封金日磾爲秬侯上官桀爲安陽侯光爲博陸侯三千戶趙廣漢爲京輔都尉本始元年以定策安宗廟功封關內侯 中山孝王興建昭三年立爲信都王十四年徙中山三十年薨子衍嗣 昭帝封劉頴爲望都公 宣帝封劉終爲樂鄉侯 劉並以淮陽憲王孫封高陽侯成帝元年二月丙辰封八月免 薛宣字顯君東海剡人也歷遷少府進御史大夫代張禹爲丞相封高陽侯後以不持後母喪且以子況獄免爲庶人歸故郡卒於家

後漢

中山王茂漢兵之起茂年十八自號劉先識亦聚衆京密間稱厭新將軍攻下潁川汝南衆十餘萬人光武旣至河內茂率衆降封爲中山王十三年更封茂爲穰侯 杜茂字諸公南陽

冠軍人初歸光武於河北爲中堅將軍常從征伐後拜大將軍封樂鄉侯 耿純字伯山鉅

鹿人奔之諸弟初爲更始騎都尉歸世祖拜爲前將軍封耿鄉侯世祖卽位封高陽侯拜東郡太守卒諡曰成侯 中山簡王焉建武三十年封焉姬韓序有過焉乃縊殺之國相舉奏坐

削安險縣元和中肅宗復以安險還中山立五十二年永元二年薨 蠡吾侯劉翼河間孝

王開之子也開以永元二年封分樂成勃海涿郡爲國元初六年鄧太后徵濟北河間王諸子詣京師奇翼美儀容以爲平原懷王後留京師歲餘太后崩安帝乳母王聖與中常侍江京等譖鄧騭兄弟及翼云與中大夫趙王圖謀不軌貶爲都鄉侯遣歸河間翼於是謝賓客閉門自處永建五年父開上書願分蠡吾縣以封翼順帝從之遂封爲蠡吾侯 李就以會稽太守

封高陽侯 蠡吾侯劉惔桓帝之弟也帝卽位以惔嗣侯及勃海王鴻薨立惔爲勃海王後

坐逆謀貶爲廩陶王 陳蕃靈帝時封高陽侯蕃上疏讓不許 蔡邕獻帝時封高陽鄉

侯

魏

范陽閔王矩早薨無子建安二十二年以樊安公均子敏奉矩後封臨晉侯黃初三年追封諡爲范陽閔公五年改封敏范陽王太和六年追進矩號曰范陽閔王改封敏瑯邪王 曹苗

黃初元年以陳思王子封高陽鄉公

母丘興黃初中以武威太守討賊功封高陽鄉侯子

儉襲以功進安邑侯與文欽起兵遇害

常林明帝卽位以大司農進封高陽鄉貞侯子時

嗣坐法誅時弟靜紹封

燕王字字彭祖太和六年封明帝少與字同生常愛異之青龍三

年徵入朝明帝疾篤拜字爲大將軍屬以後事受署四日字深固讓帝意亦變遂免字官還鄴常道鄉公奐字之子也入繼大統 中山恭王褒太和六年封初褒來朝犯京都禁爲有司

所奏青龍元年詔削縣二戶七百五十褒懼戒勅官屬愈謹帝嘉其意二年復所削縣

晉

高陽元王司馬珪字子璋魏高陽鄉侯武帝受禪封高陽王十年薨無子詔以太原王輔子緝

襲爵緝立五年薨無子太康二年詔以太原王環世子顥子訟爲緝後封眞定縣侯 高陽

王司馬睦字子友譙王遜之弟也魏安平侯歷侍御史武帝受禪封中山王因杜友奏貶爲丹水縣侯及吳平太康初詔復爵有司奏封江陽王帝曰江陽險遠其以高陽郡封之乃封爲高陽王元康元年爲宗正薨於位世子蔚早卒孫毅元拜散騎侍郎永嘉中沒於石勒隆安元年詔以譙敬王恬次子恢之子文深繼毅後立五年薨無嗣復以高密王純之子法蓮繼之受禪國除 范陽康王綏字子都泰始元年封在位十五年咸寧五年薨子虓立虓字武會以迎惠帝功拜司徒永興三年暴疾薨 周馥汝南安城人以討陳敏功封永甯伯 容城侯盧毓字子家正元三年封常作考課法

後魏

許謙字元遜代人也少有文才善天文圖讖之學國初以功爲陽曲護軍賜爵平領侯安遠將軍皇始元年卒贈高陽公諡曰文子洛陽立 紇羅神元皇帝曾孫道武卽位以援立功封

上谷公 望都公頽昭帝之後也隨道武平中原賜爵 安同遼東人以功加廣武將軍

歷爵北新侯加安遠將軍世祖卽位進爵高陽公神麌二年卒追贈高陽王諡曰恭惠

許

彥字道謨小字嘉屯祖茂慕容氏高陽太守從沙門法叡受易魏世祖初被徵以下筮頻驗拜散騎常侍賜爵博陵侯進爵武昌公眞君六年卒諡宣公次子宗之爲高鄉侯長子熙字德融襲爵武昌公中書郎早卒子安仁襲卒諡曰簡子元康襲後降爲侯拜冠軍將軍尋卒贈征虜將軍營州刺史諡曰肅子宗遠襲爵除奉朝請累遷三都太守卒年二十八子子躬襲齊受禪例降子躬弟子憲太尉中兵參軍元康弟護州主簿子瑞亦州主簿和歸代人也定陵公跋之少子從征赫連昌有功拜統萬將軍攻虎牢拔之進爵高陽侯後以罪徙配涼州爲民蓋吳作亂於關中復拜龍驤將軍往討之還拜使持節冠軍將軍雍城鎮都大將高陽侯卒子度襲爵尙書都官郎昌平太守卒高陽王元濟以皇孫封世祖正平元年十二月丁丑封尋以世嫡不宜在藩止高鄉侯許宗之以中散領內祕書世祖臨江封高宗朝以巫作誅

高陽王雍字思穆太和九年封潁川王加侍中征南大將軍久之拜中護軍領鎮北大將軍改封高陽持節鎮北將軍相州刺史常侍如故范陽王誨孝昌二年封第三子修是爲孝武

帝爾朱度爾朱榮弟莊宗時封樂鄉縣伯

常善伏波將軍安成子孝昌中授威烈將軍都

督以功加封房城縣男邑三百戶孝武西遷進武始縣伯增邑二百戶大統初加平東將軍進

爵爲侯四年復以功加大都督進爵爲公恭帝二年復以功進爵永寧郡公增邑二千戶

鄭道邕開封人以軍功及從西遷功封永寧侯

馮景字長明初爲蕭寶夤功曹參軍寶夤

反景固諫不從寶夤敗後景還朝廷魏孝武西遷封高陽縣伯邑三百戶遷散騎常侍行臺尚

書加瀛州刺史

高陽子常景以戰功封永安二年除中軍將軍賜爵普泰初改濮陽子後

以例追

元偉字猷道河南洛陽人也以侍從之勞賜爵高陽縣伯大統中以魏氏宗室進

爵南安郡王大象二年除幽州刺史進位大將軍

許惇字季良以司徒主簿歷官太子太

保少傅光祿大夫儀同三司尚書右僕射特進賜爵萬年縣子

高陽公李休績見梁肅撰

權少監夫人志銘

高陽王元泰以文穆王子封

高陽侯李順以中書侍郎從征封平

律子後追封侯

宋

恆閔略陽恆道人以破薛道標功封樂鄉縣男

齊

元斌字善集祖魏獻文皇帝父高陽王雍斌少襲祖爵齊天保初准例降爵爲高陽縣公拜右

光祿大夫

達奚武字成興代人也以戰功拜羽林監子都督後以從征除大都督進爵高

陽郡公卒贈太傅十五州諸軍事同州刺史諡曰桓子震嗣

高陽康穆王湜神武第十一

子也天保元年封十年稍遷尙書令以滑稽便辟有寵於文宣文宣崩湜兼司徒導引梓宮於

馬上吹笛太后杖湜百餘未幾薨子士義襲爵

博陵文簡王濟神武第十二子也天保元

年封河清初爲定州刺史天統五年在州語人云計次第亦應到我後主聞之陰使人殺之贈

假黃鉞太尉錄尙書事子智襲爵

范陽王紹義文宣第三子也初封廣陽徙封范陽遂奔

突厥突厥他鉢可汗甚見愛重凡齊人在北悉隸紹義高寶璽在營州表上尊號紹義遂卽皇

帝位稱武平元年周將宇文神舉攻滅昌期購之於他鉢又使賀若誼往說之他鉢猶不忍遂

僞與紹義獵於南境使誼執之以歸流於蜀

北平王貞字仁堅武成第三子也位司州牧

京畿大都督兼尚書令錄尚書事帝行幸總留臺事積年後主以貞長大漸忌之阿那肱承旨令馮士幹劾繫貞於獄奪其留後權

後周

冀康公通字屈率突武成初封冀國公薨子絢嗣建德三年進爵爲王大定中爲隋文帝所害國除

隋

楊智明開皇初封高陽郡公煬帝卽位奪爵楊該開皇十六年以皇孫封高陽王 燕王倓

大業二年立煬帝於諸孫中特所鍾愛常置左右字文化及難作遇害時年十六 高陽縣

文節公許善心以通議大夫給事郎死於字文化及大業十四年越王稱制贈左光祿大夫封賀川縣伯許澄以醫術歷位尚藥典御諫議大夫封

唐

河間縣男齊映以中書侍郎貞元二年正月壬寅封三年貶夔州刺史徙衡州久之爲桂管江

西兩觀察使始映罷不以罪冀復進用乃掎斂貢獻及卒贈禮部尚書

劉泊字思道荊州

江陵人貞觀七年擢給事中封清苑縣男

高陽縣男許延族以修史勞進檢校黃門侍郎

貞觀中封高宗朝以侍中進郡公進右相咸亨初以特進致仕

高陽郡王李慎以王子封

順宗十五子綰之子順宗朝封

平恩公許詔伯以右屯衛將軍封

武崇訓以駙馬都

尉封高陽王

宋

燕王德昭字日新太平興國四年從征幽州軍中嘗夜驚不知上所在有謀立德昭者上聞不說及歸以北征不利又不行太原之賞德昭以爲言上大怒曰待汝自爲之賞未晚也德昭退而自刎贈中書令追封魏王諡曰懿

燕王僖欽宗靖康元年與越王億同遷太師二年上

皇幸青城父老邀之不及道遇二王哭曰願與王俱死徐秉哲捕爲首者戮之益兵衛送二王北行道卒

元豐八年徽宗初封遂寧郡王

趙從演德芳之孫遂寧侯見文獻通考

金

張甫宣宗四年以中都經略使封高陽公

元

高陽郡公邸順保定行唐人大德三年以武功追封

張柔字德剛定興人中統元年封安

肅公子弘略襲職

明

高陽郡侯許圭戰陳友諒陣歿洪武初追封

高陽郡侯許瑗以太平知府拒僞漢城陷死

洪武初追封

高陽郡侯韓成以帳前總制親兵左副指揮使鄱陽投水死洪武初追封

孟善海豐人建文四年封保定侯食祿千二百石與世券卒贈勝國公諡忠勇子漢嗣

張

輔忠武王之子永樂三年以父功進新城世侯爵六年進封英國公正統十四年從駕出土木

敗歿景泰元年贈定興王諡忠烈

梁銘汝陽人洪武中燕山護衛百戶靖難時積功至督

府僉事仁宗卽位進督府同知充叅將封保定伯卒子瑋嗣伯征貴州福建皆有功與世侯卒

贈益國公諡襄靖

李文爲陝西都指揮督練西寧土兵封高陽伯朱永夏邑人以征荊襄

有功封侯立號總制陝西三邊與世券十五年以出塞功加太子太傅進封保定公卒進封宣平王諡武毅嗣暉卒子麒嗣侯

保定府公署考

府縣志合載

本府

府治古治明洪武中建永樂中改爲大寧都司今治在橫翠樓西臨漪亭北廳堂門宇先後葺治知府宅在廳後僚貳宅在治南及東偏幕職吏胥僦屋而居規制未備成化二年知府張律鬻民居以廣之 清軍廳在府治東 管糧廳在府治東 管馬廳在府治東 理

刑廳在清軍廳南

經歷司照磨所在廳東西垂

永益庫在經歷司東南

架閣庫

在儀門外東

司獄司在儀門西知府張烈文建

寅賓館在儀門外東

土地祠在

儀門外東

巡撫都察院在城西北隅總兵府也

皇清康熙八年巡撫移鎮保定改爲署

直隸守道在西門內舊曰北察院康熙八年改爲總理

方輿彙編職方典第七十卷保定府部彙考四保定府封建考之

錢穀守道署

直隸巡道在西城舊曰南察院康熙八年改爲總理刑名巡道署

都司

治在府治西明洪武初爲府治永樂初改建正統中都指揮張銳景泰中都指揮趙鑑重修經歷司在廳東斷事司在廳西司獄司在斷事司西保定左衛在府治西右衛在府治北中衛前衛後衛俱在府治西今都司裁只存左衛以守備統之治改爲城守叅將署

西察院在城

下知府章律建

太僕寺在府治北知府董傑重建

府館在兵備道後知府徐嵩建今

改爲巡道署

稅課司在府治北明洪武中建

陰陽醫學在理刑廳左右知府章律建

惠民藥局在府治東明洪武七年建永樂中重修今俱廢

申明亭旌善亭在府治前

數言亭瘴惡亭俱在府治左右

廣盈倉並左右中四倉成化中知府章律奏革二倉止存

左右二倉左倉在府治西北右倉在府治西南改廣盈倉爲清苑縣預備倉中倉爲本府草場

預備倉在右倉北

僧綱司在清覺寺

道紀司在玉清觀

養濟院在府治西南

漏澤園在四門外

清苑縣

附郭

清苑縣治在府城內西南卽宋保寨軍故地前代沿革不一明洪武中創立永樂十三年知縣陳敏修景泰七年知縣吳宗慶建清慎堂成化中知縣陳獻重修廳宇嘉靖中建儲積庫吏廨置寅賓館後廢

皇清康熙十六年知縣時來敏捐俸重行修建按縣志縣堂曰親民三間左爲儲積庫高四丈五尺右爲首領廳二間後廢中爲甬道有戒石亭兩旁爲吏典房各十五間前爲儀門三間又前爲大門三間後爲清慎堂三間景泰七年知縣吳宗慶建修撰劉吉記前接親民堂爲川堂二間康熙十六年知縣時來敏建兩翼爲庫房六間清慎堂後爲知縣宅東爲縣丞衙又東爲管糧主簿衙後廢西爲管馬主簿衙後廢今爲驛馬房縣丞衙南爲典史衙大門內儀門外東南爲寅賓館嘉靖四十四年知縣丁維寧建迤東爲土地祠內附蕭公廟祀漢鄧侯蕭何儀門西爲縣禁九間禁北爲吏廨四十六間後廢大門左爲申明亭三間大門右爲旌善亭三間遞運所在南關外廢張登巡檢司在縣南五十里舊在滿城方順橋嘉靖中移此預備倉在縣治北卽府舊盈倉改建貢院按縣志在縣治正北西關南察院按縣志在西

關迤南後廢

西關北察院按縣志在西關迤北後廢

養濟院按縣志在縣治西二里

許 漏澤園按縣志舊四門外各一

皇清康熙年間守道丁思孔新置一所於西郊外

外州縣

滿城縣治在城中西北隅金塔院村故地元時重建宣德正德中先後修葺嘉靖中勅建庫樓重修鐘樓庫獄吏廨按縣志縣治在城正西大門東向儀門堂宇面南蓋堪輿家審地理定坐向之說也舊志載地基四十二畝金明昌元年勅置元太祖十三年驃騎將軍張柔重建大德四年知縣胡郁泰定二年知縣李守中重建歷元以至明初咸仍其制宣德中知縣朱文正統十二年王義重修成化十七年知縣李思明修葺嘉靖二十四年知縣袁欽儒建庫樓於堂東南隆慶六年知縣申九峯易戒碑以坊遷土地祠於大門北萬曆二十年知縣侯大節鼎新重修規模宏麗仍建武備庫三間三十五年知縣李峨改寅賓館

皇清康熙十五六年間知縣裴國禎觀其堂寢舍宇稍可支撐者悉仍其舊頻年修補僅不失故基